

## ԱՐՁԱՆԱԳՐՈՒԹՅՈՒՆ-2

ՊԵԿ-ՊԸ-ԾՁԲ-17/1 ծածկագրով գնումների էլեկտրոնային (ARMEPS) համակարգի միջոցով պարզեցված ընթացակարգով ՀՀ կառավարությանն առընթեր պետական եկամուտների կոմիտեի կարիքների համար՝ ՀՀ ԿԱ ՊԵԿ Բազրատաշենի և Գոգավան-Պրիվոլնոյեի մաքսային կետերի հողատարածքների և շենքերի չափագրության ծառայություններ ձեռքբերման գնահատող հանձնաժողովի նիստի

ՀՀ կառավարությանն առընթեր պետական եկամուտների կոմիտեի աշխատակազմի ղեկավարի 09.03.2017թ. N 22/1-Ա հրամանով ձևավորված գնահատող հանձնաժողովի նիստը տեղի ունեցավ 21.03.2017թ. ժամը 14-00-ին, ՀՀ կառավարությանն առընթեր պետական եկամուտների կոմիտեի վարչական շենքում, ք. Երևան, Մ.Խորենացու-3,7 հասցեում:  
Նիստին մասնակցում էին գնահատող հանձնաժողովի նախագահ՝ Ն.Մնոյանը, գնահատող հանձնաժողովի անդամներ Լ.Հարությունյանը, Դ.Շատվերյանը, Ա.Եղիազարյանը, Մ.Սարգսյանը և քարտուղար Գ.Ղազարյանը:

### Օրակարգ

#### Հայտերի բացման և գնահատման մասին

##### **1.Հայտեր ներկայացրած և չներկայացրած մասնակիցների անվանումները և գտնվելու վայրի հասցեները**

-ՊԵԿ-ՊԸ-ԾՁԲ-17/1 ծածկագրով գնման ընթացակարգի գնահատող հանձնաժողովի նախագահ Ն.Մնոյանը տեղեկացրեց, որ ՊԵԿ-ՊԸ-ԾՁԲ-17/1 ծածկագրով գնումների էլեկտրոնային (ARMEPS) համակարգի միջոցով պարզեցված ընթացակարգի հրավերով սահմանված հայտերի ներկայացման վերջնաժամկետին հայտ են ներկայացրել հետևյալ կազմակերպությունները.

1. «Ստեփրիկ» ՍՊԸ-ն, (ք.Երևան, Գաջեգործների 3-րդ փողոց, տուն 15)
2. «Է.Ապրեսյան» ՍՊԸ-ն, (ք.Վանաձոր, Թամանցիների-14)
3. «Ա/Ձ Վահագն Սարգսյան» (ք.Երևան, Բաշինջաղյան 1փ, 82., 32բն.)
4. «Մագիստրալ Նախագիծ» ՍՊԸ-ն, (ք.Երևան, Մայիսի 9-ի 5/1-42)
5. «Արտեդ» ՍՊԸ-ն, (ք.Հրազդան, Կենտրոնի 29/8)

##### **2. Տվյալներ բացված յուրաքանչյուր հայտում պահանջվող փաստաթղթերի առկայության մասին**

«Ստեփրիկ» ՍՊԸ-ի, «Է.Ապրեսյան» ՍՊԸ-ի, «Ա/Ձ Վահագն Սարգսյան»-ի, «Մագիստրալ Նախագիծ» ՍՊԸ-ի և «Արտեդ» ՍՊԸ-ի կողմից էլեկտրոնային ձևով ներկայացված հայտերը էլեկտրոնային (ARMEPS) համակարգի կողմից դիտվել է որպես (պիտանի) հայտ:

##### **3.Տվյալներ յուրաքանչյուր մասնակցի ներկայացրած փաստաթղթերի՝ հրավերի պայմաններին**

###### **համապատասխանության վերաբերյալ**

«Է.Ապրեսյան» ՍՊԸ-ի և «Արտեդ» ՍՊԸ-ի կողմից էլեկտրոնային ձևով ներկայացված հայտերում առկա են հրավերով սահմանված փաստաթղթերը պիտանելիության չափորոշիչը, տեխնիկական չափորոշիչը և ֆինանսական չափորոշիչը, որոնք կազմված են հրավերի պայմաններին համապատասխան:

«Ստեփրիկ» ՍՊԸ-ի կողմից էլեկտրոնային ձևով ներկայացված հայտում առկա են հրավերով սահմանված փաստաթղթերը պիտանելիության չափորոշիչը, տեխնիկական չափորոշիչը, սակայն արձանագրվել է անհամապատասխանություն հրավերի պահանջների նկատմամբ՝ մասնավորապես Հավելված-3.1-ում նշված է, որ «Ստեփրիկ» ՍՊԸ-ն պատշաճ ձևով իրականացրել է 9 462 430 ՀՀ դրամի շենքերի, շինությունների և հողամասերի հատակագծերի կազմման ու տրամադրման աշխատանքներ, սակայն հրավերով նմանատիպ են համարվում շենքերի և հողամասերի չափագրման ծառայությունների մատուցման գործարքները:

«Ա/Ձ Վահագն Սարգսյան»-ի և «Մագիստրալ Նախագիծ» ՍՊԸ-ի կողմից էլեկտրոնային ձևով ներկայացված հայտերում առկա են հրավերով սահմանված փաստաթղթերը պիտանելիության չափորոշիչը, տեխնիկական չափորոշիչը և ֆինանսական չափորոշիչը, սակայն վճարման պահանջագիրը լրացված է վճարման պահանջագրի լրացման կարգի խախտման, մասնավորապես մասնակիցները վճարման պահանջագրի համարակալման դիմաց նշել են համար:

#### 4. Յուրաքանչյուր մասնակցի առաջարկած գինը

| 2/Հ | Ծառայության անվանումը                                                                                             | Մասնակիցների անվանումները և ներկայացրած գները՝ ներառյալ ԱԱՀ-ն ՀՀ դրամ |                  |                       |                         |             | Գնման գործընթացը կազմակերպված է հիմք ընդունելով «Գնումների մասին» ՀՀ օրենքի 14-րդ հոդվածի 7-րդ մասը |
|-----|-------------------------------------------------------------------------------------------------------------------|-----------------------------------------------------------------------|------------------|-----------------------|-------------------------|-------------|-----------------------------------------------------------------------------------------------------|
|     |                                                                                                                   | «Ստեփիրիկ» ՍՊԸ                                                        | «Է.Ապրեսյան» ՍՊԸ | «Ա/Ձ Վահագն Սարգսյան» | «Մագիստրալ Նախագիծ» ՍՊԸ | «Արտեդ» ՍՊԸ |                                                                                                     |
| 1   | ՀՀ ԿԱ ՊԵԿ Բազրատաշենի և Գոգավան-Պրիվոլնոյեի մաքսային կետերի հողատարածքների և շենքերի չափագրության ծառայություններ | 870000                                                                | 700000           | 800000                | 2980000                 | 1300000     |                                                                                                     |

\*«Ստեփիրիկ» ՍՊԸ-ն, «Է.Ապրեսյան» ՍՊԸ-ն, «Ա/Ձ Վահագն Սարգսյան»-ն, «Մագիստրալ Նախագիծ» ՍՊԸ-ն և «Արտեդ» ՍՊԸ-ն ԱԱՀ վճարող չեն:

#### 5. Տեղեկություններ հայտերի հետևանքման կամ փոփոխությունների, հայտերի վերաբերյալ կատարված հարցումների մասին

-Հայտերի հետևանքում կամ փոփոխություններ, հայտերի վերաբերյալ կատարված հարցումներ և պատասխաններ չեն եղել:

#### 6. Հանձնաժողովը որոշեց՝

Համաձայն ՀՀ կառավարության 10.02.2011թ. թիվ 168-Ն որոշման 45-րդ կետի՝ եթե հայտերի բացման նիստի ընթացքում իրականացված գնահատման արդյունքում հայտերում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը կամ գնային առաջարկը կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

-ՊԵԿ-ՊԸ-ԾՁԲ-17/1 ծածկագրով գնահատող հանձնաժողովը որոշեց նիստը մեկ աշխատանքային օրով կասեցնել և էլեկտրոնային եղանակով տեղեկացնել «Ստեփիրիկ» ՍՊԸ-ին՝ առաջարկելով մինչև կասեցման ժամկետի ավարտը շտկել անհամապատասխանությունը:

-Ա/Ձ Վահագն Սարգսյան»-ի և «Մագիստրալ Նախագիծ» ՍՊԸ-ի Ա/Ձ հայտերը մերժել՝ քանի որ մասնակիցների կողմից հայտի ապահովումը ներկայացված է հրավերի պահանջներին անհամապատասխան:

Հաջորդ նիստը հրավիրել 2017թ. մարտի 23-ին, ժամը 10:00-ին, ՀՀ կառավարությանն առընթեր պետական եկամուտների կոմիտեի վարչական շենքում, ք. Երևան, Մ.Խորենացու-3,7 հասցեում:

Ընդունվել է որոշում՝ կողմ 5, դեմ 0:

Գնահատող հանձնաժողովի նախագահ՝

Անդամներ՝

Քարտուղար՝

Ն.Մնոյան

Լ.Հարությունյան

Դ.Շատվերյան

Ա.Եղիազարյան

Մ.Սարգսյան

Գ.Ղազարյան